

Na osnovu člana 31. Statuta Udruženja inženjera i tehničara šumarstva Federacije Bosne i Hercegovine, Skupština UŠIT-a FBiH na svojoj sjednici održanoj dana: 18.12.2015. godine u Sarajevu donosi:

POSLOVNIK
o radu Kolegija Skupštine
Udruženja inženjera i tehničara šumarstva Federacije Bosne i Hercegovine

Član 1.

Ovim Poslovníkom uređuje se način rada i odlučivanja unutar Kolegija Skupštine UŠIT-a FBiH (u daljem tekstu: Kolegij Skupštine).

Član 2.

Kolegij Skupštine čine 3 (tri) člana: predsjednik Skupštine, predsjednik Nadzornog odbora i predsjednik Statutarne komisije.

Član 3.

Kolegij Skupštine može zasjedati samo ako joj prisustvuje nadpolovična većina članova.

Član 4.

Sjednice Kolegija Skupštine saziva, njima presjedava i rukovodi njihovim radom predsjednik Skupštine ili njegov zamjenik u odsustvu predsjednika Skupštine.

Sjednicama Kolegija Skupštine mogu prisustvovati i učestvovati u radu Kolegija predstavnici organa upravljanja UŠIT-a ali bez prva odlučivanja.

Član 5.

Sjednice Kolegija Skupštine sazivaju se najmanje tri dana prije datuma održavanja sjednice pisanim ili elektronskim putem. Radi vanrednih prilika sjednica Kolegija Skupštine može se sazvati putem telefona.

Sjednice Kolegija Skupštine mogu se održavati i pisanim putem, kao i konferencijskim, telefonskim i video putem ili uz pomoć druge audio i video opreme za komunikaciju, tako da se članovi Kolegija Skupštine koji učestvuju u radu sjednice mogu čuti i razgovarati međusobno.

Član 6.

Predsjednik Kolegija Skupštine predlaže dnevni red za sjednicu Kolegija Skupštine. O prijedlogu dnevnog reda glasa se u cjelini. Ako su na sjednici izneseni prijedlozi za dopunu dnevnog reda, glasa se prvo o tim prijedlozima, a nakon toga o prijedlogu u cjelini.

Član 7.

Svaki član Kolegija Skupštine ima pravo na riječ i učešće u diskusiji.

Član 8.

Odluke, zaključci i stavovi donose se javnim izjašnjavanjem članova Kolegija Skupštine.

Poslovnik o radu Kolegija Skupštine UŠIT FBiH

Član 9.

Odluke, zaključci i stavovi Kolegija Skupštine smatraju se usvojenim ako se za njih izjasni nadpolovična većina *prisutnih* članova Kolegija Skupštine.

Član 10.

Na sjednicama Kolegija Skupštine vodi se zapisnik koji se po završetku sjednica dostavlja svim članovima Kolegija Skupštine. Izvod iz zapisnika usvaja se na slijedećoj sjednici Kolegija Skupštine.

Član 11.

Ovaj Poslovnik primjenjuje se od dana usvajanja na Skupštini UŠIT-a FBiH.

Broj:
Sarajevo, 18.12.2015. godine

Predsjednik Skupštine

Refik Hodžić, dipl.ing.šum.